

四庫全書

史部

欽定四庫全書

寶刻叢編卷十四

宋 陳思 撰

兩浙西路

臨安府

大都督府春秋屬越戰國屬楚秦屬會稽郡
漢因之東漢順帝以後屬吳郡晉屬吳興吳
二郡宋齊梁因之陳置錢塘郡隋開皇中郡
廢置杭州大業初州廢置餘杭郡唐武德四
年置杭州天寶元年曰餘杭郡皇朝陞鎮海
軍節度淳化五年改曰寧海軍今縣九

錢塘
於潛

仁和
新城

餘杭
鹽官

臨安
昌化

富陽

漢候鈺銘

四十二字惟下兩字缺有云新始建國元年蓋王莽
以始建國冠所改年號紹興初金州耕者耕得之太
守郭浩致於宣撫司後以進

御府

資古
紹志

錄

候鈺四十二字缺二字王莽地皇二年所作紹興中
出於金州今在毗陵胡承公家漢器如館陶金甘泉

內者鐙之類雖非彝鼎間古文蓋猶是篆體獨此器所書有波畫字尤清勁與漢末筆法無異孰謂西都

隸字皆古拙乎

隸續

晉關內侯廣昌長暨遜碣

咸和中湖州刺史孔彭立在餘杭

訪碑錄

晉郭文碑

咸和中湖州刺史孔彭立在臨安

訪碑錄

晉孝婦嚴氏碣

咸康六年立在餘杭

訪碑錄

梁關內侯盛紹遠碑

天監中聚徒教授沒後門人立碑在餘杭

訪碑錄

唐於潛縣令丁明府德政頌

唐殷亮撰并書公名君表字元章麟德二年三月九

日立

諸道石刻錄

唐韋同遊富春題

分書長安二年十二月

諸道石刻錄

唐龍興寺碑

唐盧李珣撰李涉八分書景龍四年四月

金石錄

唐華嚴玄覽律師碑

唐工部侍郎徐安貞撰諫議大夫褚庭誨書法師庭誨之諸父也為杭州華嚴寺僧碑以開元二十五年

八月立

集古錄目

唐臨安縣主簿宅記

唐陸曾分書并篆額天寶五年七月建

復齋碑錄

唐前餘杭令陳允昇德政碑

唐李紆撰上元二年立在本縣內

訪碑錄

唐天柱山天柱宮記

唐吳筠撰并書苗昭題額大厯五年立

訪碑錄

唐徑山大覺禪師國一影堂記

唐崔元翰撰羊士諤正書貞元九年二月八日立

復齋

碑錄

唐徑山大覺禪師碑

唐王穎撰王儼正書貞元十年十一月

金石錄

唐內供奉道士吳筠碑

貞元十年立在餘杭西十九里天柱觀內

訪碑錄

唐大覺禪師國一碑

唐崔元翰撰歸巋行書并題額元和十年四月十五

日建在徑山

復齋碑錄

唐胥山銘

唐杭州刺史盧元輔撰錢塘縣令王適書山有子胥

廟故以為名以元和十年十一月立

集古錄目

唐大覺禪師碑

唐崔元翰撰胡季良八分書并篆額寶曆二年十一

月立

諸道石刻錄

唐神仙觀碑

唐盛君立撰郁文則行書篆額太和九年正月建

復齋

碑錄

唐處士鍾離府君墓誌

唐吳郡沈鄩正書會昌三年十二月立在餘杭

復齋碑錄

唐大覺禪師碑

唐李吉甫撰蕭起正書大中八年十二月

金石錄

唐處士吳興姚澣墓誌

大中八年九月二十四日葬錢塘

復齋碑錄

唐大覺禪師塔銘

唐丘丹撰蕭起行書大中九年五月立

金石錄

唐郭寧墓誌

唐孫因餘撰能遂書大中中立

復齋碑錄

唐餘杭令劉允恭德政碑

在縣內

訪碑錄

唐天目山銘

在於潛縣天目山上

訪碑錄

唐新建錢塘湖廣潤龍王廟碑

錢鏐記行書篆額貞明二年丙子正月十五日庚午

建

復齋碑錄

梁新建功臣禪院記

錢鏐記貞明二年立在臨安縣

諸道石刻錄

吳越國王錢鏐題名

梁龍德元年十一月一日天下都元帥吳越國王鏐

建置正書在南郊登聖寺磨崖

復齋碑錄

後唐開慈雲嶺路記

篆書梁單閼之歲興建龍山至浯灘之歲開慈雲嶺
蓋興建於梁貞五年開嶺於唐同光二年碑在慈雲

嶺

復齋
碑錄

後唐尚父吳越國王諡武肅神道碑

楊凝式撰翰林待詔張恭肩行書郭在微篆額長興

五年正月立在臨安縣

復齋
碑錄

吳越胡進思造傳大士像塔記

晉天福十年二月十一日惠龜記在郊壇側淨明寺

復齋

碑錄

吳越王題錢明觀橋記

吳越寶正六年歲次辛卯四月八日因建錢明觀造

此石橋吳越國王記

復齋
碑錄

吳越加句尊勝咒幢

婺州浦江縣女弟子胡氏二娘寶大二年歲次乙酉

十一月八日建在九重松觀音寺

復齋
碑錄

臯亭神祠碑

于僧翰書

諸道石
刻錄

驪峰寺記

悟空師碑

吳越國王成宗安陵題

江南李主書杜牧九日登高詩

四碑並諸道石刻錄

蘇州

平江府周初封太伯為吳國春秋末為越所
併戰國屬楚秦置會稽郡漢因之東漢順帝
置吳郡晉宋齊梁陳皆因之陳兼置吳州隋
平陳郡廢改州曰蘇州因姑蘇山為名大業
初州廢復置吳郡唐武德四年曰蘇州天寶
元年曰吳郡南唐陞為中吳軍節度皇朝太

平興國三年改曰平江軍政和三年陞為平
江府今縣四 長洲 吳縣 崑山 常熟

漢外黃令高彪碑

故外黃高君碑隸額凡兩行石已損疑其上當有漢
令二字紹興中吳郡取土於郭外而得之今碑在郡
齋高君舉孝廉步三署令外黃受經於汝南許公受
知於光祿勳楊公其舉將潁川太守文君詣廷尉遂
捐官以赴之道病而卒碣之所載頗詳獨其名字皆
剥缺不可考碑云光和七年龍在困敦月次鶉火六

日丙申卒蓋靈帝甲子年六月也是歲十二月改元
中平又云中平二年龍游奮若月次星紀龍舒范君
來典鄙邦即乙丑十一月也乃是述立碑之事文苑
傳有高彪字義方吳郡無錫人傳云彪為諸生遊太
學有雅才而訥於言郡舉孝廉試經第一除郎中校
書東觀數奏賦頌奇文因事諷諫靈帝異之第五永
使督幽州百官祖餞於長樂觀皆賦詩彪獨作箴蔡
邕等美其文以為莫尚也後遷內黃令帝勅同僚臨

送祖於上東門詔東觀畫像以勸學者彪到官有德政病卒詳史之所書甚與碑合家無錫而葬姑蘇蓋不遠也則知此乃高彪之碑無疑但傳以外黃作內

黃一字之誤爾

隸釋

魏鍾繇賀捷表

漢建安二十四年閏月九日上

諸道石刻錄

晉樂毅論

永和四年書賜官奴首尾存中缺後有章書二行

諸道

石刻錄

杜子恭墓碑

在西郭門外

寰宇記

吳偏將軍凌統碑

在吳縣東北二十五里臯亭山東碑云統字公續吳

興餘杭人也志毅果敢常為前鋒

寰宇記

宋湘東太守張濟女雅兒墓誌

宋故臨渭縣侯湘東太守張府君諱濟第三女雅兒

春秋三十有一亡於偏憂永徽元年十月十七日權

假窀窆於西鄉

復齋碑錄

梁張先師碑

梁昭明太子奉勅撰天監五年立

諸道石刻錄

梁太常卿陸倕墓誌

從子襄序湘東王蕭繹銘前一半磨滅僅有姓氏名字官爵皆不復存後有普通七年除太常卿字以其年七月卒葬吳縣陵山鄉碑末列祖父二兄四男名

及官爵以南史考之乃陸慧曉之子陸倕也按史倕

字佐公累遷至太常卿卒

復齋
碑錄

隋橫山頂舍利靈塔銘

嚴德盛製文魏瑗正書大業四年九月八日立

復齋
碑錄

唐枯樹賦

唐褚遂良撰并書貞觀四年十月八日為燕國公書

凡四百六十七字

諸道石
刻錄

唐宏文館學士顧君墓誌

正書無書撰人姓名乾封二年三月立碑已殘缺亡
其前一段以事考之蓋顧肩也肩高宗朝為宏文館
學士司文郎中卒姓名附見唐書令狐德棻傳

金石錄

唐陸景倩妻徐夫人墓誌

分書無書撰人名氏景雲元年九月六日立

復齋碑錄

唐老子道德經幢

唐明皇八分書

諸道石刻錄

唐春申君廟碑

唐吳郡太守江東採訪等使趙居貞撰前廣陵大都
督府戶曹參軍集賢院待制史惟則八分書并篆額
吳郡有春申宮故宮後人因以為廟俗訛謂之城隍
神居貞廣其制度更易塑像以朱英配饗改名曰黃
相廟碑以天寶十年立

集古
錄

唐清遠道士詩

唐顏真卿李德裕追和

諸道石
刻錄

唐畫龍記

唐李紳撰在長洲

諸道石刻錄

唐重建龍興寺碑

唐房琯撰序綦母潛銘徐挺古分書貞元十四年十

月十五日韋夏卿重刊立沈寧篆額

復齋碑錄

唐龍興寺碑記

琯姪孫房損述分書無姓名貞元單閏歲建卯之初

日在營室以記碑陰乃貞元十五年二月也

復齋碑錄

唐五龍堂記

貞元中立

諸道石
刻錄

唐新開常熟塘記

唐劉允文撰劉苑正書元和四年二月立

金石錄

唐大德元浩和尚靈塔碑

唐崔恭撰并正書元和十四年十一月五日立在虎

丘

復齋
碑錄

唐包山神景觀林屋洞院記

開成三年立

諸道石
刻錄

唐周先生住山碑

唐令狐楚撰

諸道石刻錄

唐武丘東山碑

唐陸東之撰

諸道石刻錄

唐報恩寺慧敏律師碑

陳諫撰元錫書

諸道石刻錄

後梁加句尊勝陀羅尼咒

開運三年四月

復齋碑錄

華山精舍記

明聖湖記

白樂天與劉禹錫書

三碑諸道石刻錄

潤州

春秋屬吳戰國屬越後屬楚秦屬會稽彭二
郡漢屬會稽郡東漢屬吳郡吳王孫權初鎮
丹徒謂之京城晉平吳置毗陵郡宋置南東
海郡及南徐州梁改都曰南蘭陵郡陳曰南
東海郡自宋至陳常以京口為重鎮隋平陳
郡廢開皇十五年置潤州大業初州廢屬江

都郡唐武德三年復置潤州天寶元年改為
丹陽郡後陞鎮海軍節度皇朝改鎮江軍今
縣三 丹徒
丹陽 金壇

吳季子墓十字碑

篆書凡十字曰嗚呼有吳延陵季子之墓據張模從
申記以為孔子書碑以堙埋玄宗命殷仲容搨大厯
十四年潤州刺史蕭定重刻於石

集古
錄目

自前世相傳以為孔子所書據張從申記云舊石堙
滅唐開元中玄宗命殷仲容模搨其書以傳然則開

元之前已有本矣至大厯中蕭定又刊於石則轉相傳模失其真遠矣然孔子平生未嘗至吳以史記世家考之其厯聘諸侯南不踰楚推其歲月蹤跡未嘗過吳不得親銘李子之墓又其字特大非古簡牘所容第以其名傳之久不可遽廢故錄之以俟博識者

集古
錄

自唐以來相傳為孔子書大厯中蕭定再模而刻之余覽史記家語及秦漢以前諸子凡孔子與學者談

議問答是非褒貶纖悉必載其間荒誕之說實非出於聖人附托書之者固有之矣況於季子之賢孔子親銘其墓不應略不見稱於前世至唐而始傳也又碑銘始於東漢孔子時所未有而其字畫乃故為奇怪以欺眩世俗者非孔子書無疑蓋好事者偽為爾故余特為之以解來者之惑後有博識之士當以余

言為然

金石錄

自前世以來傳為孔子書故太白撰紫陽先生銘有

延陵旣沒仲尼嗚呼之語字苑亦云李陽冰初師嶧山碑後見仲尼李札墓刻遂變化開闔若龍蛇蟠踞自言斯翁之後真至小生曹喜蔡邕不足比數此碑大厯十四年蕭定再刊本然必謂吾夫子書何所據也

集古
後錄

瘞鶴銘

稱華陽真逸撰不著名氏不知其何時人潤州圖經以為王羲之書銘刻在焦山之足常沒水中人候水

落時模之不過得其數字此本凡七十字最為多也
題云華陽真逸撰刻於焦山之足常為江水所沒好
事者伺水落時模而傳之往往祇得其數字惟余所
得六百餘字獨為多也按潤州圖經以為王羲之書
字亦奇特然不類羲之筆法而類顏魯公不知何人
書也華陽真逸是顧況道號今不敢遂以為況者碑
無年月不知何時疑前後有人同此號者也

集古
錄

題華陽真逸撰莫詳其為何代人歐陽公集古錄云

華陽真逸是顧況道號余遍檢唐史及況文集皆無此號惟况撰湖州刺史廳記自稱華陽山人爾不知

歐陽公何所據也

金石錄

資政邵公亢嘗就焦山下缺石考次其文如左其不可知者闕之故差可讀然文首尾似粗可見雖文全亦止此百餘字爾而歐陽公集古錄謂好事者往往只得數字惟余所得六百餘字獨為多矣蓋印書者傳訛誤以十為百當時所得蓋六十餘字故云此數

家本為多此銘相傳為王右軍書故蘇舜欽子美詩
云山陰不見換鵝經京口新傳瘞鶴銘文忠以為不
類王法而類顏魯公又疑是顧況之道號同又疑是
王瓚僕今審定文格字法殊類陶弘景弘景自稱華
陽隱居今曰真逸者豈其別號歟又其著真誥但云
已卯歲而不著年名其他書亦爾今此銘壬辰歲甲
午歲亦不書年名此又可證云壬辰者梁天監十一
年也甲午者十三年也案隱居天監七年東遊海嶽

權駐會稽永嘉十一年始還茅山十一年乙未歲其
弟子周子良仙去為之作傳即十十三年正在華
陽矣此銘後又有題丹陽尉山陰宰數字及唐王
瓚詩字畫亦類似瘞鶴但筆勢差弱當是效陶書故
題於石側也或以銘即瓚書誤矣王逸少以晉惠帝
大安二年癸亥歲生年五十九至穆帝升平五年辛
酉歲卒則成帝咸和九年甲午歲逸少方年三十二
至永和七年辛亥歲年三十八始去會稽而間居則

不應三十二年已自稱真逸也又未官於朝及閒居時不在華陽以是考之此銘決非右軍也審矣

朱方鶴銘陶貞白書在焦山下石頑難刻且為水泐故字無鋒穎若拙筆書昧者從而効之深可一笑

並東

觀餘論

冬日陪羣公泛舟詩

謫丹陽功曹掾王賢在瘞鶴銘傍字畫亦同

諸道石刻錄

在瘞鶴傍其字畫正同蓋一人所書也題謫丹陽功

曹掾而不見其名詩與書皆工然世頗罕傳

金石錄

宋文帝神道碑

太祖文皇帝之神道凡八大字而別無文辭惟以此為表識爾古人刻碑正當如此而後世镌刻功德爵里世系惟恐不詳然自後漢以來門生故吏多相與立碑頌德矣余家集古所錄三代以來鐘鼎彝盤銘刻備有至後漢以後始有碑文欲求前漢時碑碣卒不可得是則冢墓碑自後漢以來始有也此碑無文

疑非宋世立蓋自漢以來碑文務載世德宋氏子孫
必未能超然獨見復古簡質又南朝士人氣尚卑弱
字書工者率以纖勁清媚為佳未有偉然巨筆如此
者益疑後世所書

集古錄

梁招隱刹下銘

梁晉安王蕭綱撰不著書人名字招隱寺刹王之所
建也王後即位是為簡文帝碑以普通三年九月立

集古

錄目

唐荆王神廟碑

唐孫處玄撰正書無姓名先天二年三月立

復齋碑錄

唐荆王祠神記

唐張文瑾撰正書無姓名先天二年八月立

復齋碑錄

唐譙郡栢氏墓碑

分書無書撰人名氏篆額開元十五年八月十五日

建

復齋碑錄

唐重修孝子廟記

唐蕭定撰張從申正書大厯十四年八月

金石錄

唐縣令盧國遷建碑記

建中元年立在季子廟

集古錄目

唐縣令鄭播謁孔子廟題名

貞元三年

集古錄目

唐招隱寺朗然律師碑

唐柳識撰釋常靜正書并篆額建中三年撰文貞元

五年十一月七日樹碑

復齋碑錄

唐王綬花詩

唐潤州刺史李德裕洪州刺史沈傳師贈答王綬花

詩二首皆傳師書

集古
錄目

唐瘞舍利記

唐李德裕撰太和三年二月十五日立

復齋
碑錄

唐華中允墓誌

碑石唐滅書撰人中允名皆亡咸通八年刻

集古
錄目

唐尊勝陀羅尼經

唐于僧翰八分書咸通五年譙郡夏穆建

集古錄目

僧翰筆畫雖遒然失分隸之法遠矣所以錄者亦自成一家而為流俗所貴故聊著之庶知博采之不

遺爾

集古錄目

唐尊勝陀羅尼經幢

在今潤州墨寶亭中唐雲陽野夫王真之書字畫頗

為世俗所重故錄之以備廣採

集古錄

唐封忠烈公隋司徒陳君新廟碑

唐顧雲撰正書姓名殘缺篆額乾符六年十月建

復齋

碑錄

南唐重復練塘銘

呂延真述并書昇元七年刻并李華所述復練塘頌

亦延真書

復齋碑錄

湖州

春秋屬吳吳滅屬越戰國屬楚秦屬會稽彭
二郡漢屬會稽丹陽二郡東漢屬吳郡吳孫
皓分置吳興郡晉宋齊梁陳因之梁兼置震
州隋開皇九年平陳州廢仁壽中置湖州大

業初州廢屬餘杭吳二郡唐武德四年復置
湖州天寶元年復曰吳興郡周陞為宣德軍
節度皇朝景祐元年改昭慶軍今縣六
烏
程 歸安 安吉 長興 德清 武康

唐梁相費君碑

隸書不著書撰人名氏君名汎字仲慮官至梁相碑

不載其鄉里及刻石年月

集古
錄目

其額題漢故梁相費君之碑碑云梁相諱汎字仲慮
此邦之人也其先季文為魯大夫有功封費因以為
姓秦項兵起避地於此遂留家焉碑無建立年月

金石

錄

漢故梁相費府君之碑篆額費君名汎堂邑令鳳九江太守政之父也鳳以威宗熹平中卒碑載二子所終之官此蓋其孫均所立故其銘有穆穆顯祖之句

釋隸

漢堂邑令費君碑

碑云惟熹平六年無射之月堂邑令費君寢疾卒嗚呼哀哉於是夫人元弟卜肩追而誄之其後有銘詩

碑所述費君事不甚詳悉而其名字世次官秩具載

於碑陰

金石錄

漢故堂邑令費君之碑篆額費君名鳳自郎中嘗宰
新平故彰堂邑三縣以靈帝熹平六年卒其妻之弟
卜君追誄之乃作此碑其後有門下功曹題名者九

人

隸釋

漢堂邑令費君碑陰

漢石勛撰隸書不著名氏鳳字伯簫漢安中厯守故

彰堂邑長鄖自稱鳳舅家中孫文悉為五字句不著

所立年月

集古
錄目

碑云君諱鳳字伯蕭梁相之元子九江太守之長兄也其後為五字韻語詞頗古雅而時時殘缺不可次敘其前題君舅家中孫甘陵石勛字子才所述云

金石

錄

伯蕭碑陰者石子才之所作也子才甘陵人自稱君舅家中孫瞻彼碑誅不堪哀思而敘之以詩也其詩

有云中表之思情兄弟與甥舅薦與女蘿性樂松之
茂好聞君顯令名舉宗為歡喜不寤奄忽終藏形而
匿影又云策馬循大道褰裳而涉洧惴惴之臨穴送
君於厚土末又云一別會無期相去三千里絕瀚永
怆慷慨泣下不可止賢哉石君不遠三千里而會中表
之喪也今之人以貴陵賤以富忽貧薄恩敗禮喜不
慶憂不弔者幾何人也嗚呼觀此碑者情友親厚之
心何不悠然而生矣

集古
後錄

費鳳別碑刻舅家中孫甘陵石勛詩一篇其辭云瞻
彼碑誄懷之好音謂卜君所作也其詩先敘世系歷
官繼以韻語六十句其三句六言餘皆五言石君蓋
鳳之中表也所述兄弟甥舅諸姑伯姊夫人孝孫悲
傷哀痛之意宛轉淒切費氏父子三碑今並列於吳
興校官之壁不知者指此為碑陰趙氏亦有斯誤

隸釋

陳烏程縣孝義寺塔銘并陰

釋慧景製天嘉二年立

隸釋

碑陰吳興太守武陵王

碑缺

貞明元年八月

復齋碑錄

唐尊勝經幢

沙門明迴述正書開元五年五月建

諸道石刻錄

陳孝義寺碑并陰

陳人徐陵撰十世孫徐嶠之正書開元二十二年正

月十五日立在烏程

復齋碑錄

初陳徐陵為孝義寺碑至開元十三年陵十世孫徐

嶠之為湖州刺史再書而刻之因記其事於碑陰

金石

錄

徐陵文非佳而頗有內典故事又徐嶠之書有法故

漫錄之

東觀
餘論

唐吏部常選沈待瑗墓誌

開元二十四年十二月刻

復齋
碑錄

唐烏程令韋承慶德政碑

唐沈務本撰沈仲昌正書肅宗至德二年二月立

金石

錄

唐金剛經尊勝經二石幢

唐朝議郎行河南府河陰縣主簿上柱國沈洽建太

原鄔彤書乾元元年八月三十日立

新
增

唐宣州博士沈縉墓誌

唐韋貞撰正書無名乾元二年十一月五日祔於東

主山在武康縣

復齋
碑錄

唐封孔子為文宣王詔

唐明皇撰開元二十七年下大厯四年十月一日孫

沛建王金榮行書倒薤額

復齋
碑錄

唐修建功德銘

唐湖州刺史蕭公創建佛室造三世佛及諸功德等

銘武康令韓章撰前衢州龍遊縣尉徐浩書丘悌篆

額大厯六年立

復齋
碑錄

唐立晉謝公碣

唐裴清撰僧道銳書大厯七年十月十一日龍興寺

沙門皎然建

復齋
碑錄

唐謝公碣陰記

行書無書撰人姓名大厯七年十一月

金石錄

唐沈氏述祖德碑并碑陰記

碑下一半缺不見書撰人名氏大厯八年十二月立

復齋碑錄

唐于祿字書

唐濠州刺史顏元孫撰湖州刺史顏真卿書初元孫以字書分四聲定為正通俗三體真卿以大厯九月

正月刻石於湖州

集古
錄目

千祿字樣別有撰本文注完全可備檢用此本刻石
殘缺處多直以魯公所書真本而錄之爾唐公書刻
石者多而絕少小字惟此注最小而筆力精勁可法
尤宜愛惜而世俗多傳模本此以殘缺不傳獨余家

藏之

集古
錄

唐放生池碑

唐昇州刺史浙西節度使顏真卿撰并書肅宗乾元

二年使驍衛郎將史元琮詔天下自山南至浙西七
道臨江置放生池八十一所眞卿為天下放生池銘

上之碑以大厯九年正月立

集古
錄目

唐乞御書放生池碑額表

表顏眞卿書批答唐肅宗御書表以上元元年上眞

卿時為刑部尚書碑以大厯九年立

集古
錄目

唐乞御書放生池碑額表碑陰記

唐顏眞卿撰并書初肅宗既許書額未及下而眞卿

貶碑不果立至大厯中為湖州刺史始追建於州之
駱駝橋東集批答御書字以為額又序其事於批答
碑陰以大厯九年立

集古
錄目

唐射堂記

唐顏真卿撰并書碑石缺訛文理斷續其事迹不可
完考大厯十二年四月立

唐項王碑陰述

唐顏真卿為湖州刺史重建項羽廟舊碑以大厯七

年五月刻記於碑陰

集古
錄目

唐湖州石記

碑字殘缺不見年月及書撰姓名驗其字畫顏真卿

書也凡湖州諸縣皆記其山川前古陵墓

集古
錄目

文字殘缺其存者僅可識讀考其所記不可詳也惟其筆畫奇偉非顏魯公不能書也公忠義之節明若日月而堅若金石自可以光後世傳無窮不待其書然後不朽然公所致必有遺跡故今處處有之唐人

筆蹟見於今者惟公為最多視其鉅書深刻或託於山崖其用意未嘗不為無窮計也蓋亦有趣好所樂爾其在湖州所書為世所傳者惟干祿字書放生池碑尚多見於人家而干祿字書乃楊漢公摹本其真本以訛缺遂不復傳獨余集錄有之惟好古之士知人用意之深則其湮沉磨滅之餘尤為可惜者也

集古

錄

唐烏程縣新陞望記

唐縣尉陳長撰顏次公分書大厯十三年八月二十

三日記

復齋
碑錄

唐茶山詩并詩述

唐湖州刺史袁高撰前滁州長史徐璿書湖州之顧

渚山歲修茶貢高為刺史感其採製之勤而作是詩

其後於頤為刺史得之於壤垣為之序而刻之貞元

七年立

集古
錄目

唐詩述碑陰記

唐李吉甫撰徐璿正書貞元十年正月立

金石錄

唐白蘋亭記

唐李直方撰史鎬八分書并篆額已卯歲作即貞元

十五年也

諸道石刻錄

唐義興縣重修茶舍記

史鎬八分書

訪碑錄

記云義興貢茶非舊也前此故御史大夫李栖筠實
典是邦山僧有獻佳茗者會客嘗之野人陸羽以為

芬香甘辣冠於他境可薦於上栖筠從之始進萬兩
此其濫觴也厥後因之徵獻寢廣遂為任土之貢與
常賦之邦侔矣每歲選匠徵夫至二十餘人云余嘗
謂後世士大夫區區以口腹玩好之獻為愛君此與
宦官宮妾之見無異而其貽患百姓有不可勝言者
如貢茶至末事也而調發之擾猶如此況其甚者乎
羽蓋不足道嗚呼孰謂栖筠之賢而為此乎書之可
以為後來之戒且以見唐志義興貢茶自羽與栖筠

始也

金石錄

唐鹽官尉丘景朝墓誌

貞元十九年

諸道石刻錄

唐紀功銘并將士題名

唐時佐元撰胡季良分書元和二年秋九月李錡作

亂至十月九日當州討平

復齊碑錄

唐封崇孔宣父故事記

唐辛秘撰元和四年二月

諸道石刻錄

唐丘氏大宗碑

元和四年十月二十二日建

唐烏程縣新水亭記

元和四年

諸道石刻錄

唐永興寺碑

元和五年

諸道石刻錄

唐永興寺僧伽和尚碑

裴臚撰胡季堂篆額費濤行書元和九年十月二日

復齋
碑錄

唐尊勝經寶勝幢贊

胡季良纂并書

諸道石
刻錄

唐下山普廣寺養山記

唐吳國忼撰吳士良行書吳仁傑篆額元和十四年

三月二十日建

復齋
碑錄

唐大明寺賢聖冥道齋記

沙門鴻本書僧良建篆額大和元年十月

復齋
碑錄

唐德本寺碑陰

唐胡季良纂正書無姓名太和八年立

復齋
碑錄

唐立吳文皇帝廟碑

唐胡季良撰凌渭書太和八年立

復齋
碑錄

唐智者大師靈塔題

太和九年四月二十八日

復齋
碑錄

唐安公令嬪吳夫人墓誌

唐處士胡季良述并書太和九年五月

復齋
碑錄

唐重模千祿字書

開成四年刺史楊漢公以舊本訛缺重模刻石并為記附於碑後今其本比顏魯公所刻差完可以備用

集古
錄目

真卿所書乃大厯九年刻石至開成中遽已訛缺漢公以為一二工人用為衣食之業故模多而速損者非也蓋公筆法為世楷模而字書辨正偽謬尤為學者所資故當時盛傳於世所以模多爾豈止工人為

衣食業耶今世所傳乃漢公模本而大厯真本以不完遂不復傳故余并錄二本並藏之亦欲俾覽者知模本之多失真也

集古錄

歐陽文忠言楊漢公謂此書以工人用為衣食之業故模多而損速者非也蓋魯公筆法為世楷模而字書辨正偽謬尤為學者所資故當時盛傳於世所以摹多爾豈止工人為衣食業耶此論甚善但云漢公模本多失真則不然今觀此書精隱勁媚殊得顏真

楊自以為不差纖毫信矣然文忠又云干祿之注持重舒和而不局促余輒易之曰持重而不局促舒和

而含勁氣乃盡魯公之筆意也

東觀餘論

唐新造白蘋洲五亭記

唐白居易撰馬縝正書開成四年十月立

金石錄

唐范處士妻蔡氏墓誌

鄉貢進士李矩撰大中二年

諸道石刻錄

唐文宣王新廟碑

唐鄭言撰并書篆額大中三年

復齋
碑錄

唐魯府君墓誌

大中四年

諸道石
刻錄

唐陸文正墓誌

長男肱撰并正書大中十一年三月

復齋
碑錄

唐處士馮湍妻金夫人墓誌

大中十二年十二月

復齋
碑錄

唐姚華妻蔣夫人墓誌

大中十四年九月

復齋
碑錄

唐報德寺新建尊勝寶幢記

唐蕭徵撰張時暎正書咸通四年四月十六日記在

長興

復齋
碑錄

唐重置興國寺冥陽齋社記

沙門簡章述并書篆額咸通四年癸未八月十九日

立在烏程

復齋
碑錄

唐尊勝經

唐于僧翰小字八分書咸通五年

諸道石刻錄

唐烏墩市古山索靖王廟碑

唐朱宏撰并書吳曄篆額咸通十三年歲在壬辰四

月立

諸道石刻錄

唐李府君墓誌

咸通十四年五月

復齋碑錄

唐三祖信心銘

沙門師立述沈咸正書并篆額乾符五年正月三十

諸道石
刻錄

唐渤海高君妻彭城劉氏墓誌

乾符六年在德清

復齋
碑錄

唐資聖寺宣和尚塔銘

沙門蘊讓述楊光中正書陳漢溫八分書額光啟三

年九月日葬

復齋
碑錄

唐尉衛少卿沈公昇仙廟碣

唐于景休撰行書光啟三年六月六日記

復齋
碑錄

唐烏程縣修建廨署記

唐布衣楊夔撰并正書南嶽道士張闕賢篆額乾寧

三年正月七日建

復齋
碑錄

唐安定胡應夫人清河張氏墓誌

唐于景本撰正書天復四年正月

復齋
碑錄

唐大悲咒加句尊勝咒

天復四年

詣道石
刻錄

唐勅書褒戰功記

欽定四庫全書

卷十四

篆額行書

諸道石刻錄

刺史李師悅碑

鍾離賓墓誌

顧渚山杜牧楊漢公題名

三碑諸道石刻錄

常州

春秋屬吳戰國屬越後屬楚秦漢屬會稽郡
東漢屬吳郡晉太康二年屬毘陵郡惠帝改
曰晉陵郡宋齊梁陳因之隋平陳郡廢置常
州大業初州廢置毘陵郡唐武德三年復置

常州天寶元年曰晉陵郡後復曰毘陵皇朝
因之今縣四 晉陵 武進 無錫 宜興

漢許司農夫人劉氏碑

司農夫人碑漢太尉許馥之室也首行有標題之文
石已剝所存數十百字其漫漶者強半惟次行獨
全故知其姓劉氏而為山陰之人其辭惟數句可讀
如云本性純淑非禮不行其孫息盈房而已其云德
配士列任似者以似為姒也字畫多雜篆體所書以
字全類孔宙碑其為他偏旁多與故民吳公碑中山

相薛君題額相類應劭漢官儀所載三公孝靈時有
吳郡陽羨許馡李軼漢紀光和四年馡以衛尉代劉
寬為太尉今許氏兩墓皆在宜興而此碑猶在夫人
冢旁吳處厚青箱雜記云宜興有許馡廟其碑許劭
所作唐開元中諸孫重刻碑陰有八字云談馬礪畢
王田數七徐延休讀之曰談馬即言午言午許字礪
畢必石卑石卑碑字王田乃千里千里重字數七是
六一六一立字今其殘碑纔有數十字其間載許君

自司農遷衛尉此文稱劉氏為司農夫人則銘墓時
許猶未為衛尉也其碑在光和之前無疑臨川王厚
之云其友陽羨邵偉嘗泛舟過許氏叢冢見水濱一
石舉而察之則許君殘碑也邵遂載以歸厚之字順
伯樂古多聞山陰石臺鄉亦佳士相與搜奇怪埤助

此書為多

隸續

許氏先君祖誄

許氏先君祖誄隸額大字作一行下並無一字存在

宜興

復齋碑錄

吳國山封禪碑

在宜興世謂之圀碑

諸道石刻錄

不著撰人名氏吳中書東觀令史立信中郎將蘇建
篆歸命侯天冊元年得玉璽於吳興文曰吳真皇帝
遂改明年元為天璽刊石告禪於國山之陰其所述

瑞應凡千有二百餘事

集古錄目

吳國山碑者孫皓天冊元年禪於國山改元天璽因

紀其所獲瑞物刊石於山陰是歲晉咸寧元年後五年晉遂滅吳以皓昏虐其國將亡而衆瑞並出不可勝數後世之言祥瑞者可以鑒矣

集古錄

其前敘孫皓即位以後郡國祥瑞凡千餘言其後云乃以浚灘之歲欽若昊天月正華元郊天祭地紀號天璽又云丞相沈太尉瑒大司徒燮大司空朝等以爲今衆瑞畢至三表納貢九垓八埏無不被澤率按典繇宜行禪禮紀勒天命遂於吳興國山之陰告祭

刊石以對揚乾命廣報坤德按皓以丙申歲改元天璽碑言浚灘之歲是也皓淫虐無道人神憤疾而羣臣方稱述瑞讚頌功德蓋刻石後四年遂為晉所俘

矣

金石錄

晉樂毅論

石在故高紳學士家紳死家人初不知惜好事者往往就閱或模傳其本其家祕藏之漸為難得後其子弟以真石質錢於富人而富人家失火遂焚其石今

無復有本矣蓋為可惜也後有甚妙二字吾亡友聖

俞書也

集古錄

石本舊藏高紳學士家集古錄云身死其子弟以石質錢於富人而富人家失火遂焚其石非也元祐間余侍親官徐州時故郎中趙竦被旨開呂梁洪挈此石隨行已斷裂用木為匣貯之竦尤珍惜親舊有求墨本者必手摹以遺之竦沒今遂不知所在

金石錄

高紳為湖北轉運史道中聞砧聲清遠因得此本於

其覆而已斷裂矣遂載以歸完理緝綴櫝以木箱所
可辨者如此後世之傳布皆止於海宇則其碎而不
可緝者良可惜也

李之儀

樂毅論石刻有二本其一元豐初吳人得其石於太
湖水中石缺過半背面皆有刻面十三行背六行後
題永和四年十一月二十四日書賜官奴其上書異
僧權即梁人朱異徐僧權也又有草書兩行云知足
下行至吳念遠離不可居叔當西爾今十七帖中亦

有此一帖然不可居三字亦已缺不全後有小字一行云太和六年勒畢太和唐文宗年號疑若唐玄度兄弟所摹蓋其字勢甚類玄度書故也其一即周越法書苑所記高紳學士得其石於秣陵井中者是也凡二十九行石缺一角後兩行只有最下一字至海字止紳之子安世死於吳其家以石質錢因沒入州民錢氏石已破為數片以鐵束之當官者每令摹拓錢氏厭之給言比失火焚毀矣熙寧中吳大饑疫吾

姻家趙子立以黃金買得之子立每欲摹本必躬濡
紙傳石以綿帛漬墨拓之自此雖權勢皆不可得向
之傳於人者益寶之矣或以為舊傳樂毅論乃右軍
親書於石其後石入昭陵朱梁時溫韜得之復傳人
間即高氏本是也又按張彥遠法書要錄記智永云
樂毅論者正書第一梁世摹出天下珍之蕭阮之徒
莫不臨學又褚遂良記貞觀十二年内出樂毅論是
王右軍真蹟令直宏文館馮承素模寫賜長孫無忌

等六人於是在外乃有六本並筆精妙備盡楷則又
書譜云太平公主愛樂毅論則天與之以織成錦袋
盛之主敗籍沒咸陽姬竊舉袖中吏覺姬投之灶中
不可復得而考此數者之說未審孰是而子立所得
高氏本字勢奇絕非右軍親書於石亦摹真蹟而刻
之者然石已破裂而字蹟稍存得者宜寶藏之
徐平甫
樂毅論淳熙癸卯歲徐仁叔持以見遺云此即周越
法書苑所記高紳學士得於秣陵井中者也紳之子

安世死於吳其家以石質錢沒入州民錢氏錢氏遺火石焚裂為數片雖未甚損缺素厭州縣索取因給以不存熙寧間吳中大饑疫始出碎石求售趙子立捐黃金數十兩得之鐵掬匣藏躬自濡紙以綿帛漬墨挹取所傳於人蓋寡子立死以授徐平甫徐氏二世秘藏不以語人雖極加愛護亦日就剝落今則石面盡脫初見若不復有字側面細視僅存髣髴拓取稍不謹石屑隨紙而起想不復能傳遠矣子立名竦

泉南人曾漕兩浙為都水使者二女無子徐平甫諱
康直實子立長壻仁叔名壽卿平甫孫也因以其說
考之歐陽公集古錄云高紳死其子弟以石質錢於
富人富人失火遂焚其石今無復有本矣趙德甫金
石錄云集古云非也元祐間余侍親官徐州時故郎
官趙竦被旨開呂梁洪挈此石隨行已斷裂用木匣
貯之竦甚珍惜親舊有求墨本者必手摹以遺之竦
沒今遂不知所在蓋歐公為質錢所紿而趙德甫不

知後歸徐氏也按褚遂良右軍書目樂毅論四十四行而高緡舊本存二十九行又缺一角損者九行而最後二行止有一字至海字止字之全者三百五十七今伯仁所摹可見者一百八十九字又內二十二字不全疎瘦僅存字骨不復見運筆勢矣予先得舊本校歐陽氏所藏文忠公本分毫不異今又得此遂附其後可以見物之變遷雖金石之堅亦就泯滅也

臨川王
厚之

南齊紀僧眞造釋迦像題

齊永明二年太歲甲子四月二十日弟子紀僧眞為

亡弟僧惠敬造在宜興

復齋
碑錄

南齊周僧徽等造像記

齊永元年歲次己卯十二月初八日釋迦清信弟子

周僧徽僧瓚僧琰等造

復齋
碑錄

梁許府君墓誌

郡太守河南褚翔造大同三年太歲丁巳正月丁酉

朔十九日乙卯葬在宜興

復齋
碑錄

唐安國寺才法師碑

唐高智周撰呂保正書龍朔三年十月

諸道石
刻錄

唐立隋司徒陳公神祠碑

唐齊光義序裴遵銘陸曾書并篆額乾元三年二月

建石毀建炎三年重刻

復齋
碑錄

唐賀蘭夫人墓誌

唐兵部尚書陸贄撰據碑前書姪曾孫贄其下字缺

不完疑亦贄所書也夫人河南人祕書監陸齊望之

妻封滎陽縣君碑貞元七年立

集古錄目

唐立晉平西將軍周處廟碑

晉陸機撰王右軍書元和六年十一月重立在宜興

廟中

復齋碑錄

唐遊善權寺詩

唐義興主簿羊士諤撰士諤門人李飛書元和十三

年刻

集古錄目

唐東莞臧君夫人周氏墓誌

唐張師素撰無書人名氏元和十三年三月立在義

興

復齋
碑錄

唐立隋司徒陳公捨宅造寺銘

沙門德宣撰王遂書天寶四年述元和十五年四月

建

復齋
碑錄

興寧寺律如瑫大師塔銘

僧張彪撰述并書寶厯元年在無錫

復齋
碑錄

唐瑯琊諸葛府君墓誌

大中五年十月十一日己酉在宜興

復齋碑錄

隋陳司徒告身并捨宅造寺疏序

唐俞珣撰并書大中八年五月

金石錄

隋大業十一年陳果仁為朝請大夫告身并果仁妻
軫靜緣捨宅造寺疏同刻皆無書人名氏捨宅疏通

稱明政二年者李子通年號也

集古錄目

唐雅王府功曹殷繇墓誌

弟紹業撰并正書繇字舜臣大中十三年十二月葬

在義興

復齋
碑錄

唐李隲惠山寺詩

詩九首并記咸通十一年五月一日無錫令孫元恭

勒石

復齋
碑錄

唐宿惠山寺序并詩

唐王武陵序并詩朱宿竇羣和貞元四年遊元和二

年竇羣重遊為記正書咸通十二年七月縣令周邦

彌刊

復齋
碑錄

唐再建重居寺碑

唐任宇撰蔣松分書咸通十三年二月立

復齋
碑錄

唐報恩安國寺浮圖銘

正書無撰人名氏篆額咸通十三年十月立在宜興

復齋

碑錄

唐興道觀新建齋堂記

道士周漢賓撰并正書薤葉篆額乾符四年丁酉七

月七日丙午建

復齋
碑錄

唐忠烈公廟香爐贊

沙門蘊讓述天臺散人

下缺

碑錄云濮陽鵬書字體甚

怪乾符六年五月

復齋
碑錄

唐報恩寺宏憲大師塔銘

唐張元逸撰并書篆額中和四年五月建

復齋
碑錄

唐立東漢岳亭侯蔣澄碑

唐薛希昌八分書正書額

諸道石
刻錄

南唐義興縣道觀北極殿碑

徐鉉撰并八分書徐鉉篆額戊辰歲建

復齋碑錄

孟簡修孟瀆記

崇勝戒壇記

善權寺重建寺勅

惠山寺尊勝幢

四碑諸道石刻錄

嚴州

春秋戰國屬越後屬楚秦屬會稽彭二郡漢屬會稽丹陽二郡東漢屬丹陽吳二郡梁置新安郡隋平陳郡廢仁壽二年置睦州大業初州廢置遂安郡唐武德四年改睦州天寶元年曰新安郡皇朝因之今縣六建德青溪桐廬分水遂安壽昌

唐龍興寺碑

唐康希銑撰徐嶠之正書開元三年二月立
金石錄

唐許尊師孝廬瑞芝記

唐何源撰并書正書額上元二年歲次辛丑十二月

一日記

復齋碑錄

唐靈巖瀑布記

唐前濮州別駕康仲熊遊靈巖瀑布記不著書人名

氏大厯十二年刻

集古
錄目

唐立嚴陵釣臺記

唐崔儒撰崔玄八分書并篆額興元元年四月景辰

建

復齋
碑錄

唐烏龍山有道先生許公碑

唐李師尚撰并書貞元十一年七月立公諱法稜字

道冲

諸道石刻錄

唐大廳記

二

凡二本其一唐元和七年睦州刺史李道古撰其一
皇朝將監丞知桐廬縣刁衍撰自唐顯慶至中和刺
史一百一十五人皇朝太平興國中知州事二人題

名書皆一體不著名氏雍熙二年刻

集古錄目

唐立漢洛陽令方仙公碑

唐御史大夫張文成撰在青溪縣廟內

訪碑錄

城隍神記

馬目山新廟記

周堂書二碑諸道石刻錄

秀州

春秋時吳越分境於此吳亡屬越越敗屬楚
秦屬會稽郡漢因之東漢晉宋屬吳郡隋唐
屬蘇州後屬杭州石晉時吳越錢氏奏置秀
州皇朝因之今縣四
崇德 嘉興 華亭 海鹽

吳陸禕碑

隸書不著書撰人名氏禕字元容吳郡吳人仕吳至

征北將軍海鹽縣侯碑以東晉泰寧三年立

集古錄目

碑云禕字元容其先家於陸鄉因氏姓焉仕至黃門

侍郎封海鹽縣侯碑以晉泰寧三年立

南豐集古錄

晉陸喈碑

隸書不著書撰人名氏喈字公聲禕之子也東晉初

官至宣威內史前將軍碑以咸和七年六月立

集古錄目

唐處士沈元期墓誌

乾元二年十一月九日夫人吳江丘氏合葬祔於嘉

興西五十七里車口村之舊里

復齋
碑錄

唐丘君夫人虞氏石表

唐梁肅撰黎燧正書貞元十年十月

金石
錄

唐寶花寺碑

唐殿中侍御史鄒儒立撰蘇州刺史于頔書祕書監

陸齊望有女為尼曰法興齊望舍宅為寺以居之子

渭等以永貞二年正月造寺始成立此碑

集古
錄目

唐處士李巖墓誌

無書撰人姓名元和元年十二月

復齋碑錄

唐新勗法雲禪院記

唐沈斌述并行書大中十四年十月二十五日記在

華亭顧亭林市

復齋碑錄

唐朗州龍陽令褚戮墓誌

唐徐罕撰正書無名乾符六年十月

復齋碑錄

唐吳郡陸駢墓誌

中和二年九月

復齋
碑錄

唐光興寺記

唐譚匡合撰龍紀二年立在海鹽

復齋
碑錄

吳越錢鏐金山廟刻石文

復齋
碑錄

江陰軍

梁分蘭陵縣置江陰郡隋平陳郡廢屬常州
唐武德三年置鹽州九年州廢後屬南唐置
江陰軍皇朝因之

今縣一江陰

唐西王母授黃帝祕訣

唐張從申書大厯四年冬

復齋
碑錄

唐沛郡朱夫人墓誌

唐處士丁厚之撰正書無姓名大中九年九月二十

四日庚午

復齋
碑錄

寶刻叢編卷十四

欽定四庫全書

史部

寶刻叢編卷十五至
九

詳校官編修臣潘庭筠

編修臣程嘉謨覆勘

總校官編修臣王燕緒

校對官編修臣吳錫麒

謄錄監生臣黃恒謙

欽定四庫全書

寶刻叢編卷十五

宋 陳思 撰

江南東路

建康府

春秋屬吳。戰國屬越。後屬楚。秦屬彭郡。二漢屬丹陽。吳王孫權初鎮丹陽郡。謂之京城。後徙都秣陵。改為建業。晉平吳以為丹陽郡。又揚州刺史治東晉元年渡江復都焉。改丹陽太守為尹。宋齊梁陳因之。常以京口為重鎮。隋平陳郡廢。更于石頭城置蔣州。大業初復。

置丹陽郡唐武德三年置揚州七年復改為
蔣州八年又改為揚州九年州徙治江都以
其地屬潤州至德二載析置江寧郡乾元元
年曰昇州上元三年州廢光啟三年復置五
代時南唐李氏竊據陞為里闕
年復陞江寧府建康軍
節度 縣五 上元 江寧
句容 溧水 潯陽

漢校官碑

校官之碑隸額靈帝光和四年溧陽為其長潘君作
紹興十三年溧水尉喻仲遠得之固城湖中碑今在
溧水縣潘君名乾自曲阿尉來宰溧陽興學宮講賓

射碑頌所由作也

隸釋

潞陽長潘君諱乾字元卓陳國長平人光和四年十

月己丑朔二十一日己酉造

本碑

漢奉車都尉耿君碑

漢隸碑額八字

復齊碑錄

漢武氏石室畫像

在府治紬書閣

諸道石刻錄

吳巖山紀功碑

篆書不著名氏今其文字斷續不可悉考有曰天璽
元年者其餘大抵有天錫識命之意按吳歸命侯天
璽元年歷陽山石成文刻石作頌此當是也

集古
錄目

吳天璽元年斷碑其上云上天帝言又云帝曰大吳
一萬方又云天發神識文天璽元年七月己酉朔又
云天識廣多不解解者十二字嗚呼其言可謂妖矣
據吳志天璽元年秋八月鄱陽言歷陽山石理成字
凡二十明年改元大赦以協石文今此碑乃在金陵

驗其文與吳志所載亦異莫可考究孫皓在位凡八
改元而六見符瑞然竟不能保其國蓋人事不修而
假托神怪以矯誣天命其不終宜矣

金石錄

吳神識碣半無文理其粗成文者有云天發神識多
所未解解者合五十七字深甄歷數永歸大吳可以
為怪誕矣此碣初在江寧縣南二十里石高二丈折
為三段人因名其岡為斷石岡焉至元和六年胡宗
師移置漕圃前年冬余有荆楚之役假道金陵見之

金陵府舍其字方嚴古雅殊有佳處張懷瓘云吳皇象善書此蓋皇象書也皇象江都人仕至青州刺史吳故衡陽郡太守葛府君之碑

晉故尚書左民郎建安太守史府君之墓誌

晉尚書令假節領軍將軍贈侍中成陽卞公墓誌

三碑諸道石刻錄

晉建威將軍竺使君碑二

晉故建威將軍益州刺史領建平太守平恩縣侯竺

使君之碑隸額君諱瑤以泰光三年薨故吏張顧之等立此碑

又碑主簿費敷等立無額作兩段

復齋碑錄

晉謝重墓誌

隸書小字晉驃騎大將軍開府儀同三司故長史豫州陳郡陽夏縣都鄉吉遷里謝重字景重隆安三年己亥六月二十二日丙午薨以七月九日癸酉葬

復齋

碑錄

晉紀穆侯碑

凡二十四字曰晉故僕射散騎常侍驃騎大將軍開

府儀同三司紀穆侯之銘

集古錄目

碑上缺

伯成仕至司徒存四十九字在句容縣治

復齋碑錄

晉平西將軍廣漢葛府君碑

在句容縣西七里墓前

訪碑錄

晉冠軍將軍史侯墓石柱

晉冠軍將軍中校尉北中郎將五兵尚書刺史史侯

墓石柱在溧陽

諸道石刻錄

晉呂府君墓誌

正書題云晉故尚書起居郎廬陵太守呂府君之墓

誌在溧陽恐是唐人所立

後齊碑錄

宋宗慤母劉夫人墓誌

不著書撰人名氏慤仕宋為散騎常侍荊州大中正

洮陽縣侯夫人姓劉氏碑以大明六年立

集古錄目

不著書撰人名氏有誌無銘其後云謹牒子孫男女

次第名位婚嫁如左蓋一時之制也

集古錄

宋散騎常侍謝濤埋銘

碑云濤字明遠春秋四十有

缺

元嘉十八年歲次屠

維月旅林鐘十七日卒其年九月三十日窆窆於揚

州丹陽郡建康縣東鄉土里山夫人王氏大明七年

歲次單閏十月十四日合祔

復齋碑錄

宋湘宮寺水陸田記

大始

缺

年立

復齋碑錄

齊海陵王墓誌

南齊長兼中書侍郎謝朓立不著書人名氏海陵王
名昭文文惠太子之子齊明帝廢其主鬱林王而立
之在位一年又廢為海陵王

集古
錄目

慶歷中余在金陵有饗人以一方石鎮肉視之若有
鐫刻試取石洗濯乃宋海陵王墓銘謝朓撰并書其
字如鍾繇極可愛予攜之十餘年文思副史夏元昭
借去遂託以墮水今不知落何處

沈存
中

海陵誌在沈翰林括家沈慶厯中在金陵厨人以方石鎮肉視之有字刻乃此誌也後為人借去不還遂亡所在此本今世殊難得然海陵乃齊世而沈云宋海陵王非也又云謝朓撰并書而誌但云朓立耳然玄暉自以草隸名當世後人目以飛花滿目殘霞照人此誌結字高雅必朓書也

東觀
餘論

梁許長史舊館壇碑

梁隱士陶宏景撰其前題曰弟子華陽隱居丹陽陶

宏景謹造其傍又曰此一行隱居之手自書其文不知誰所書也宏景學道句曲山中有晉許長史故居壇塔為之記頌碑額又有四字曰天靈聖明不知為

何語也在茅山

集古
錄目

陶弘景撰孫文翰書天監十七年立在玉晨觀

諸道
石刻

錄

梁永陽昭王敬太妃墓誌銘

徐勉奉勅撰細書無姓名普通元年十一月九日已

卯覺

復齋
碑錄

梁侍中司空永陽昭王墓誌銘

徐勉奉勅撰細書無姓名梁武次兄齊建武四年薨

梁天監元年追贈普通元年十一月太妃王氏薨合

祔作誌

復齋
碑錄

梁華陽石碣頌

梁普通三年五月五日略記正書無書撰人名氏刻

在許長史舊館壇記碑陰

復齋
碑錄

梁茅君碑并兩側題名

不著撰銘人名氏梁茅山道士孫文韜書領道士正
張繹集茅山記茅君九錫文而刻之因為之銘碑以

普通三年立在茅山

集古
錄目

三茆者盈太元真君固定錄真君衷保命仙君皆漢
景帝中元間人盈天漢四年道成至元帝初元五年
來江左句曲之山哀帝元壽二年乘雲而去固至孝
元時拜執金吾衷宣帝地節四年拜上郡太守五更

大夫並解任還家修學成帝永始三年因為定錄真君哀為保命仙君梁普通三年道士張繹建此碑孫

文韜書

南齊集
古錄

普通三年壬寅五月壬辰十五日丙午

闕

建立

孫文韜正書碑陰右側題三洞法師

闕

殷靈養左

側題三洞法師魯郡周顯明以己卯誕世尋真宋末

德茂齊梁

復齋
碑錄

梁聞善寺知藏法師碑

世號三蕭碑在蔣山按此碑紹興初為金人所焚

諸道

石刻錄

梁新安太守蕭幾撰序湘東王繹撰銘尚書殿中郎蕭挹書法師姓顧氏吳郡吳氏居鍾山聞善寺碑以

普通三年九月立

集古錄目

世號三蕭碑法師者姓顧氏幾挹皆稱弟子衰世之
弊遂至於斯予於集古錄而不忍遽棄者以其字畫
粗可佳捨其所短取其所長斯可矣

集古錄

此楷法自鍾元常後惟江左諸賢頗得之故蕭殿中書是碑古雅可喜然下至隋唐其法遂亡虞歐褚薛弗能逮也此可與識者論云

東觀餘論

齊侍中蕭穎胄碑

齊侍中尚書令丞相巴東獻武公蕭穎胄碑普通五年太歲甲辰三月辛亥朔十日庚申鐫在花林村

復齋

碑錄

梁侍中始興忠武王碑

徐勉造貝文淵正書張

缺

明監作吳賢明

缺

部

元明上石在花林清風村

復齋碑錄

梁侍中司徒鄱陽忠烈王墓誌

梁張纘奉勅造普通七年二月二十五日葬

復齋碑錄

梁散騎常侍司空安成康王碑

故州民前廷尉卿彭城劉孝綽撰奉朝請吳興貝義

淵正書在花林村

復齋碑錄

梁臨川靖惠王神道

二

欽定四庫全書

寄別黃編

十

梁故假黃鉞侍中大將軍揚州牧臨川靖惠王之神

道雙闕各二十一字去城三十里北城鄉

復齋
碑錄

梁新渝寬侯神道

梁故侍中仁威將軍新渝寬侯之神道

復齋
碑錄

梁吳平忠侯蕭公神道

反書穎隸字題云梁故侍中撫軍將軍開府儀同三

司吳平忠侯蕭公神道在花林村

復齋
碑錄

梁建安敏侯神道

梁故侍中左衛將軍建安敏侯之神道正書十五字

在淳化鎮

復齋
碑錄

梁故范府君神道

梁故昭遠將軍臨川王國侍郎范府君之神道正書

十八字

復齋
碑錄

梁故草堂法師之墓

篆書八字

復齋
碑錄

梁鄱陽王神道

正書

諸道石
刻錄

梁康王神道碑

篆書六字

諸道石
刻錄

梁史府閭神道

梁故解節散騎常侍兗州刺史建昌縣開國侯史府

閭之神道正書二十四字有武后時字恐武后時立

復齋

碑錄

梁陶隱居墓誌

梁昭明太子蕭統撰蕭綱書無立石年月

復齋碑錄

梁陶隱居法帖

在茅山玉晨觀

陳尼慧仙銘

碑首稱前安東諮議參軍而其下缺滅不見撰者姓名宣成三國常侍陳景哲書慧仙姓石氏譙人也為

尼居慧福寺碑以天嘉元年立

集古錄目

隋景陽樓下井銘

隋煬帝作文帝開皇九年煬帝以晉王為元帥伐陳滅之後主與張麗華自投於井帝為銘刻於石井欄

以為戒

集古錄目

序云開皇九年余奉聖略孟春正月至於偽都叔寶

衆叛逃形天地乃與愛姬張麗華等投於此井系之

以銘隸于石檻之側者晉王廣也

集古錄後錄

隋平陳碑

薛道衡撰在上元縣石今亡

諸道石刻錄

唐再立後漢史公神道碑

晉永和八年立唐貞觀十四年十八代孫仲模再立

碑題云後漢司空驃騎將軍史公神道碑

諸道石刻錄

唐太平觀主王遠知碑

唐道士江旻撰法主弟子徐碩隸書法主名遠知字

德廣瑯琊臨沂人有盛名於隋唐間太宗時建太平

宮於茅山以處之碑以貞觀十六年立在茅山

集古錄目

唐華陽觀主王軌碑

唐江寧縣令于敬之撰王玄宗書先生名軌字洪範
又字道棲瑯琊臨沂人為道士師主遠知茅山華陽
言其所建也碑以乾封二年十一月立在茅山後有

總章二年弟子李義廉題名

集古
錄目

唐攝山明徵君碑

唐高宗撰高正臣行書王知敬篆額上元三年四月
立徵君者梁明山賓也高宗朝其裔孫崇儼以方伎
進故立此碑舊唐史言高宗自製文而書之非也蓋

高宗撰文高正臣書耳

金石錄

唐立吳太極左仙公葛公碑

梁陶隱居撰陳昇正書調露二年正月重建在句容

縣

諸道石刻錄

唐王法主碑

唐鳳閣侍郎同鳳閣鸞臺平章事劉禕之撰揚州登

仕郎齊懷壽書法主名遠知居茅山華陽宮追贈金

紫光祿大夫謚曰昇真碑以文明元年立在茅山

古集

目錄

唐句容令岑植德政碑

唐雍州錄事參軍張景毓撰業行寺僧翹微書植字德茂南陽棘陽人自潤州句容縣令召還縣人為立

此碑以景龍二年二月立

集古錄目

唐立晉建安太守史憲神道碑

晉建安太守山陰侯史公神道碑從孫凝撰從孫處

權正書景龍四年二月立在溧陽

復齋碑錄

唐崇元宮碑

唐左拾遺孫處玄撰楊幽徑書崇元宮者宋文帝路
淑媛所立唐景雲二年制使道士葉法善奉立冊投
龍設齋碑以太極元年四月立在茅山

集古
錄目

唐水仙觀三宗先生碑

孫缺安撰周君儀書開元五年九月丁酉朔十日丙

午立在漂陽

復齋
碑錄

唐立梁貞白先生陶隱居碑

梁邵陵王蕭綸撰隸書不著名氏隱居名宏景字道明丹陽秣陵人齊末為宜都王侍讀棄官隱居句曲山中自號華陽隱居終於梁武帝時贈中散大夫謚曰貞白碑額曰解真貞白先生陶隱居碑碑在茅山

集古
錄目

開元十二年九月三日建在茅山玉晨觀

復齋
碑錄

唐溧陽縣城隍廟記

蔣日用撰正書無名氏開元十七年己巳三月三日

癸巳建在舊縣城

復齋碑錄

唐景陽樓下井欄石并記

開元二十一年江寧縣丞王震重刻并為記八分書
不著名氏其一潤州上元縣主簿張著撰無刻石年

月及書人名氏

集古錄目

不著撰人名氏述隋滅陳叔寶與張麗華等投井事
其後有銘以為戒又有唐江寧縣丞王震井記云井
在興嚴寺其石檻銘有序稱余者晉王廣也其文字

皆磨滅僅可識者其一二叔寶事前史書之甚詳不
必見於此然錄之以見煬帝躬自滅陳目見叔寶事
又嘗自銘以為戒如此及身為淫亂則又過之豈所
謂下愚之不移者哉今其銘文隱隱尚可讀處有云
前車已傾負乘將沒者又可歎也

集古
錄

陳後主叔寶辱井記云江寧縣興嚴寺井石檻銘莫
知誰作也歷序隋文帝命晉王廣伐陳後主自投井
中令人取之驚其太重及出乃與張貴妃孔貴人三

人同東而上其末云唐開元二十二年三月十七日

前單公縣令左轉此縣丞太原王

已下缺
豐集古錄 南

唐貞白先生碑陰

唐天台華峰白雲道士河內司馬道隱子微述并篆

書開元二十三年四月立在王晨觀

復齋
碑錄

唐栖霞寺鐘銘

天寶三載

諸道石
刻錄

唐明皇祠三清文

天寶七年立在茅山

集古錄目

唐明皇投籙碑

御製在崇禋觀天寶七年

諸道石刻錄

唐華陽洞唐玄宗投上清籙碑

唐張景顧撰

諸道石刻錄

唐華陽頌玄宗詔附

梁貞白先生陶宏景撰不著書人名氏唐天寶九年

紫陽宮主列行矩等刻石

集古錄目

唐玄宗尊號曰聖文神武皇帝可謂盛矣而其自稱

曰上清弟子者何其陋哉

錄 集古

唐玄靖先生碑

唐秘書郎柳識撰大理司直張從申書李陽冰篆額
玄靖先生茅山道士李含光也碑以大厯四年八月

立

錄 集古

張從申書李陽冰篆額唐世工書之士多故以書知名者難自非有以過人者不能也然而張從申以書

得名於當時者何也從申每所書碑李陽冰多為之篆額時人必稱為二絕其為世所重如此余以集錄古文閱書既多故雖不能書而稍識字法從申所書棄者多矣而時錄其一二者以名取之也夫非衆人之所稱任獨見以自信君子于是慎之故特錄之以

待知者

集古錄

紫陽碑乃張從申書李陽冰題歐文忠不喜從申書集古錄屢言之殊不知從申乃效子敬書頗有東晉

風尚唐人知書者多故見重於世今人反此歐陽公
初不閑法書則從申之迹見棄宜矣

東觀
餘論

唐福興寺碑

唐許登撰張從申行書并篆額大厯五年六月一日

壬辰建在江寧縣

復齋
碑錄

唐立晉顏舍大宗碑

舍十四世孫唐撫州刺史顏真卿撰并書真卿罷撫
州過舍墓因叙舍而下十五世子孫名字事迹立此

碑以大厯六年十一月立

集古錄目

唐立晉顏含碑

晉江夏李闡撰傳含曾孫宋金紫光祿大夫顏延之
撰銘十四世孫唐前撫州刺史真卿含字宏都瑯琊
臨沂人東晉初官至右光祿大夫西平侯謚曰靖此

銘舊有刻石大厯七年四月真卿重建

集古錄目

唐玄靖先生後碑

唐湖州刺史顏真卿撰并書先生名含光廣陵江都

人本姓宏避孝敬皇帝諱改為李氏玄宗師事之加
號玄靖先生詔居茅山碑以大歷十二年五月立

集古

目錄

唐白鶴廟記

唐柳識撰劉明素書大歷十三年

諸道石刻錄

唐王師乾神道碑

唐中書侍郎平章事楊綰撰大理司直張從申書師
乾字脩然瑯琊臨沂人官至諫議大夫盧循道三州

刺史碑以大厯十三年立在句容

集古錄目

張從申書余初不甚以為佳但怪唐人多稱之第錄此碑以俟識者前歲在毫杜因與秦玠郎中論書玠學書於李西臺建中而西臺之名重于當世余因問玠西臺學何人書云學張從申也問玠識從申書否云未嘗見也因以此碑示之玠大驚曰西臺未能至也以此知世以鑑書為難者誠然也從申所書碑今絕不行於世惟予集錄有之者吳季子碑陰記崔圓

頌德碑并此纔三爾

集古錄目

唐祭酒史公碑

唐賈曾撰徐浩書李陽冰篆額代宗時立在漂陽

復齋

碑錄

唐華陽三洞景昭大法師韋公碑

唐陸長源撰竇衆書并篆額貞元三年正月上元造

在茅山玉晨觀

復齋碑錄

唐孝子張常洎旌表碑

并門閭勅旌表碣贊附

唐貞元五年旌表張常洵門閭勅一道并紀孝行碑
前許昌主簿高字撰旌表碣贊句容主簿承環撰皆
同刻不著書人名氏常洵字巨川句容人居父喪廬
墓過期有芝草生墳上故見旌表

集古
錄目

文字磨滅僅可見其髣髴蓋孝悌之為名人之所甚
慕而旌表非一世勸也故特錄之者惜其將遂不見
於後世也其文辭筆畫亦自可佳然不專取乎此也

集古
錄

唐玄宗賜李鍊師詩詔

唐道士任良友書鍊師名含光號貞靖先生玄宗所
賜詩凡三首詔勅十鍊師所上表并答銘十五貞元
十四年道士包無際等刻石在茅山

集古
錄目

唐三茅君下洎宮記

唐黃洞元撰廬士元書貞元十五年

諸道石
刻錄

唐總悟上人鍾山林下集序

唐處士石洪撰序桂管觀察判官張譔諸暨縣尉廬

建上元縣尉盧少連詩共三首皆洪書為鍾山僧總

悟所作也以貞元二十年十二月立

集古
錄目

唐高陽郡許守珪墓誌

元和四年

復齊
碑錄

唐修下洎宮記

唐浙西觀察判官王師簡撰道士任參玄書下洎故

茅君宅也在三茅山下元和中浙西觀察使薛平修

以為宮并立三茅君像以元和九年立此碑

集古
錄

唐紫陽常住莊園等記

長慶三年八月立在茅山玉晨觀

復齋碑錄

唐崔玄亮遊山題記

唐刑部尚書崔玄亮長慶三年遊山題記在茅山

集古

目錄

唐幽棲寺冲素和尚塔記

唐沙門靈遵行書長慶三年歸化寶曆二年正月起

塔三月十日畢工

復齋碑錄

欽定四庫全書

寶刻叢編
卷十五

唐崇元聖祖院碑

唐常州刺史賈餗撰前陳州參軍徐挺古八分敬宗
即位詔天下求有道之士李德裕為浙西觀察使以
道士周息元薦於朝為建此院勅賜號崇元聖祖院
碑以寶歷二年立在茅山

集古
錄目

唐鴻禧院記

唐賈餗文

諸道石
刻錄

唐茅山三像記

八分書與崇元聖祖院記一體書李德裕既建聖祖
院并立玄元皇帝孔子尹喜三像援引傳記事迹作

此記以寶歷三年刻

集古
錄目

唐李德裕撰德裕自號上清玄都大洞三景弟子上
為九廟聖主次為七代先靈下為一切含識造老君
孔子尹真人像三軀此固俚巷庸鄙人之所常為德
裕為之有不足怪然以孔子與老君為伍而又居其
下此豈止德裕之獨可罪耶今史記載孔子問禮於

老聃聃戒孔子去其驕氣多慾而孔子嘆其道猶龍之語著於耳目自漢以來學者未有以為非者豈止

德裕之罪哉

集古錄

唐仙壇山銘

并石天尊像一唐道士周道賜書銘不著撰人名氏初道士宋文幹以山石自然成形因立壇其後縣令

岑仲琢石為像碑以聖歷三年立在漂水

集古錄目

唐右補闕陸沔題名

誇自稱麋鹿臣字為篆書太和三年題在茅山

集古錄目

唐景陽井欄口銘

篆書不著名太和四年六月刻在行宮

復齋碑錄

辱井有篆文云辱井在斯可不戒乎井銘文共十八

字在井石檻上不知誰為文

南豐集古錄

唐爐峰道場鐘銘

僧世用述趙景玄行書太和四年七月

復齋碑錄

唐攝山栖霞寺賢聖會記

釋善言撰周士年行書并題額太和五年九月十五

日復齋

碑錄

唐沈傳師攝山題名

正書太和七年六月

金石錄

唐修水陸無遮齋題

太和七年六月

諸道石刻錄

唐禁山碣

并太和七年禁樵採勅同刻在茅山

諸道石刻錄

唐平泉院無碍田記

開成中立

諸道石刻

唐趙浩書金剛經

正書僧清濟篆額開成五年正月立

復齋碑錄

唐李德裕遙傷孫尊師詩

唐李德裕遙傷孫尊師詩三首寄題黃先生舊館詩

一首後附秘書省校書郎裴方質八分德裕時為司

空平章事以會昌三年刻在茅山

集古錄目

唐重換司空廟殿記

卷十五

據碑司空漢光武時人二十三世孫唐杭州臨安縣
令有則易其廟之故殿立此碑從姪重厚撰族人文
察書而皆不著姓當光武時為司空者非一人而有
則于唐亦不顯不知其為何人也有則自稱宗長又
有宗副都枝長宗正宗錄都孔目廟祝衡陽侍郎等
諸枝長孔目及職司題名者數十人皆其族人也碑
以會昌六年八月立在漂陽

集古
錄目

唐重修吳大帝廟階記

唐河陽三城節度團練衙推石湘漢不著書人名氏
永寧縣主簿周知素重修大帝廟階以天中六年立

此記

集古
錄目

唐重建開善寺碑

唐宋整撰宋渙正書并正書額咸通三年十月建

復齋

碑
錄

唐僧伽殿記

不著書撰人名氏僧伽殿潘昉等所立并題名數十

人碑以咸通七年立

集古錄目

唐奉禮郎戴府君誌

正書小字分書額懿宗時立在溧陽縣

復齋碑錄

唐孝子張府君旌表碑

唐王丞福書雷珍題額咸通十三年

諸道石刻錄

唐攝山栖霞寺律大德碑

唐王如玘撰沙門澄觀正書大厯四年三月建乾符

五年十一月重立

復齋
碑錄

唐潘城院碑

唐道士劉驩撰陶貞固正書并篆額中和三年七月

十五日立在溧水

復齋
碑錄

唐立西漢御史大夫趙王廟記

林雲撰中和三年三月二十七日

復齋
碑錄

唐車府君誌

唐大成軍都虞候淮南押衙車府君誌光啓元年十

二月二十八日又無書撰人名

復齋
碑錄

唐重立許長史舊館壇碑

梁陶隱居撰并書普通二年正月記唐裴行矩重立

諸道石
刻錄

唐三茅山記

唐人書不著名字備記三茅山四面所至地里遠近

集古
錄目

唐景陽井欄記

唐閬川上缺縣主簿張著撰無書人名氏并刻石年

月集古錄目

唐禮部侍郎信州刺史劉大真碑

唐裴度撰蔣潼正書在溧水縣諸道石刻錄

鳳凰臺記

武仙童碑

玉霄庵碑

三碑諸道石刻錄

吳開善寺塔院并記

無撰人姓名李陶正書并篆額順義七年六月

缺日

記

復齋碑錄

吳徐溫鑄興化院鐘記

武義二年十月二十三日立在府城香林寺

復齋碑錄

吳徐公重建靈寶院記

道士王栖霞撰道士呂子元正書并篆額太和三年

重光辛卯閏年九月九日癸巳記

復齋碑錄

南唐牛首山祖堂幽棲禪院佛殿記

沙門無業撰沙門處安正書并篆額昇元二年庚子

二月記

復齋
碑錄

南唐宋齊丘鳳臺山詩刻二十韻

宋齊丘天祐八年題昇元三年奉勅立石王紹顏奉

勅正書治平四年重撰

復齋
碑錄

南唐天王記

不著書撰人名氏溧水縣人許儒造石天王像以昇

元六年立此記

集古錄目

南唐方山洞玄觀勅還舊鐘記

道士劉日新撰道士李希曜正書并篆額保大元年

十月七日立

復齋碑錄

南唐保寧院鐘贊

保大二年

諸道石刻錄

南唐義井記

保大三年

諸道石刻錄

南唐保大香爐記

保大三年乙巳歲五月二十四日己未記

復齋
碑錄

南唐中興佛窟寺碑

孫忌撰尉遲樞正書王文秉篆額保大四年丙午二

月五日建

復齋
碑錄

南唐方山寶華宮碑

撰人

碑缺

鴈行書王文秉篆額并鐫保大四年六月立

日建

復齋
碑錄

南唐張懿公碑

殷崇義撰朱銳正書保大六年

諸道石刻錄

南唐辟支佛大廣現身記

周彥撰孟文益行書保大六年

諸道石刻錄

南唐保大井欄銘記

保大八年三月內建造此井

後齊碑錄

南唐祈澤寺碑

釋契思撰并正書篆額保大八年庚戌六月二十八

日建

復齋
碑錄

南唐清涼寺悟空禪師碑

韓熙載撰并分書篆額保大九年七月二十五日立

復齋
碑錄

南唐祭悟空禪師文

保大九年

諸道石
刻錄

南唐貞素先生王栖霞碑

疏玄博
大師

徐鉉撰并篆額徐鉉分書王文秉刻字保大壬子

復齋

碑錄

南唐重立吳太極左仙公葛公碑

梁陶隱居撰保大十四年丙辰七月辛卯朔五日乙

未重建

復齋碑錄

南唐題葛仙公碑陰文

句容縣令王玄撰并書男邕題額保大十四年中秋

月庚申朔記

復齋碑錄

南唐青元觀九天使者功德殿記

賈穆述王變書保大十五年

諸道石刻錄

南唐紫陽觀碑

徐鉉撰楊元鼎書并篆額王文秉刻己未歲十二月

一日建

復齋碑錄

南唐徐鉉茅山題名篆書

太歲庚申弟子徐鉉敬謁

復齋碑錄

南唐般若心經

篆書不著名王文秉刻字

諸道石刻錄

其後八分題曰左千牛衛兵曹參軍王文秉刻字文
秉南唐人善篆書此經字畫與文秉他所書相類然
不知何以但稱刻字也石在人家

集古
錄目

南唐許真人升銘

徐鉉撰并篆書在玉晨觀

諸道石
刻錄

南唐蔣莊武帝廟碑

徐鉉撰朱鉉正書

諸道石
刻錄

南唐玄奘大師王君碑 即王栖霞碑已見前

徐鉉撰篆書并題額徐鉉八分

諸道石刻錄

南唐小篆千文

王文秉篆書建隆元年刻石在茅山

集古錄目

小篆千文者江南人王文秉書其後題云大唐庚申歲者建隆元年也偽唐李煜自周師取淮南畫江為界以稱臣遂削去年號奉周正朔然世宗特許其稱帝故文秉猶稱唐而不書年號直云庚申歲也文秉在江南篆書遠過徐鉉而鉉以文學名重當時文秉

人罕知者學者皆云鉉筆雖未工而有字學一點一畫皆有法也文秉所書獨余集錄屢得之此本得於

太學楊南仲

集古錄

南唐紫陽宮石磬銘

張獻撰王文秉筆建隆二年刻石在人家

集古錄目

紫陽石磬銘余獨錄於此而不附他書者文秉之書罕見於今也小篆自李陽冰後未見工書文秉江南人其字畫之精遠過徐鉉而中朝之士不知文秉但

稱徐常侍者鉉以文章有重名於當時故也歲在辛酉晉天福六年李昇之昇元五年也五代干戈之際士之藝有至於斯者太平之世學者可不勉哉

集古錄

騎省石

在句容縣治徐鉉曾題名故為騎省石

諸道石刻錄

南唐延賓亭記

宋齊丘文

南唐龍山泉銘

南唐題明徵君墓詩

徐鉉集

南唐金剛藏經殿碑

韓熙載撰并書

四碑諸道
石刻錄

宣州

春秋屬吳戰國屬越後屬楚秦屬彭郡二漢屬丹陽郡吳為重鎮晉徙丹陽於建業而其地置宣城郡宋齊梁陳因之梁兼置南豫州隋平陳郡廢改州為宣州大業初復置宣城郡唐武德三年曰宣州天寶元年曰宣城郡吳陞為寧國軍節度皇朝因之今縣六

宣城

南陵

涇縣

寧國

旌德

太平

唐修東門頌

唐武平一撰張敬立書并題額開元十一年立

訪碑錄

唐良吏記

唐大理司直攝監察御史陳簡甫撰大理司直陳太

階書大歷中宣州刺史陳

碑不著名

采開元以來州之良

吏刺史裴曜卿刺史兼江西採訪使班景倩竹承構

裴敦復贈刺史李儼司功叅軍張邈凡六人刻石為

之記儼常為江縣令終于宣州長史廣德中浙中盜

起過宣州者皆相戒不入其閭討擊使以聞贈宣州

刺史碑以大曆四年立

集古錄

唐宣歙觀察使薛邕去思頌

唐崔巨撰裴業分書并篆額大曆十四年八月五日

建

復齋碑錄

唐顏魯公殘碑

大曆十四年

諸道石刻錄

唐禪定寺通公碑

唐嚴綬撰顏頤正書永貞元年十一月二十五日建

復齋
碑錄

唐杯渡禪師影空碑

唐朱存撰釋巨鄰篆書太和三年立在隱靜山

復齋
碑錄

唐修敬亭府君廟記

唐劉重鈞撰太和十年立在廟中

訪碑
錄

唐福田寺經藏院記

唐崔從龜撰僧元孚書會昌二年立

復齋
碑錄

唐鄭薰記顏魯公題蒲塘客旅

唐宣歙池觀察使鄭薰記大中十一年十一月十九

日

復齋
碑錄

唐新興寺碑

唐歙州刺史盧肇撰并書越州刺史楊嚴篆額新興
寺在宣州宣宗大中初悉復武宗所毀佛寺刺史裴

休修之而立此碑以大中二年立

集古
錄目

唐宜嶂樓記

刺史獨孤霖書咸通十二年十二月辛亥

復齋
碑錄

吳新興寺崇福院五百羅漢碑

天德崇義正書太和癸巳歲十月建

復齋碑錄

多寶塔記

孟拱辰書

諸道石刻錄

琴高亭頌

杜祚撰八分書

諸道石刻錄

南唐涇縣文宣王廟記

徐鉞記徐鉞篆書太歲丁未十月九日吳光輔徐廷

祚立

復齊碑錄

南唐袁石題

徐廷祚篆書保大五年在涇縣

復齊碑錄

南唐魏惠王神道碑

常夢錫撰書人殘缺王文秉鐫保大七年己酉十二

月建

復齊碑錄

南唐彰城寺鐘銘

神仙戒

鄭畋文

二碑諸道
石刻錄

徽州

春秋屬吳戰國屬越後屬楚秦屬彭郡二漢
屬丹陽郡吳孫權分置新都郡晉武帝改為
新安郡宋齊因之後廢隋平陳置歙州大業
初置新安郡唐武德四年復置歙州天寶元
年曰新安郡皇朝因之統縣六歙縣
休寧 祈門 婺源 績溪 黟縣

唐薛稷祠堂記

陳允升撰李灝分書篆額年月漫滅

諸道石
刻錄

南唐婺源都置制城記

劉津記正書并篆額昇元二年十月五日

復齋碑錄

江州

古揚荆二州之境春秋戰國屬楚秦屬九江
郡二漢屬廬江豫章二郡晉惠帝置潯陽郡
兼置江州初治豫章武帝咸康六年移治潯
陽中流楫帶常為重鎮宋齊梁陳因之隋平
陳郡廢大業初州廢置九江郡唐武德四年
復置江州天寶元年曰潯陽郡皇朝因之今
縣五 德化 德安
瑞昌 湖口 彭澤

宋慧遠法師碑

宋謝靈運撰張野序不著書人名氏慧遠姓賈氏雁

門人東晉末居於廬山東林碑在廬山

集古錄目

隋西林道場碑

隋太常博士歐陽詢撰不著書人名氏筆畫遒勁或以為公自書按兩京記隋改寺為道場碑以大業十

三年立在廬山西林寺

集古錄目

渤海公在隋為太常博士時作不著書人名氏字畫遒勁世或以為公自書公時年尚少又字法與公書

不同不知何人書也

集古錄

碑題太常博士歐陽詢撰而不著書人名氏余家藏
隋姚辨墓誌元壽碑皆率更在大業中為博士時所
書與此碑字體絕不類知其非率更書也

金石錄

唐佛馱禪師舍利塔碑

缺月二十九日建

復齋碑錄

唐新泐東林寺菜園記

唐魯德璠撰林菱正書鄧初篆額咸通四年九月三

日
復齋碑錄

唐狄梁公碑

唐皮日休撰錢雍分書并篆額咸通五年立在彭澤

縣修真觀

復齋碑錄

唐觀察使武陽公韋公寫真贊

唐苗紳撰咸通八年書在東林寺

諸道石刻錄

唐重建東林寺禪大德言公碑

唐苗紳撰裴光遠分書并篆額咸通九年十二月十

三日建

復齋碑錄

唐廣平公舊園記

唐薛正己撰劉詢書并篆額光啟二年六月二十一

日立在東林

諸道石刻錄

唐圓通大師碑

唐裴廷裕張文祐捨手書

訪碑錄

唐西林題名

唐顏魯公書永泰丙午六月題

集古錄目

唐東林寺慧遠法師影空碑

唐李演述僧惟高書王適篆額貞元中建武宗時廢

宣宗大中八年七月再立

諸道石刻錄

唐東林寺律大德熙怡大師碑

唐許堯佐撰李行言分書并篆額貞元十二年八月

建武宗時廢宣宗大中八年再立

諸道石刻錄

唐東林寺經藏碑

唐李肇撰元和七年九月建武宗時廢大中十三年

七月八日馮譔重書再立并篆額

復齋碑錄

唐東林寺律大德梁公碑

唐吉州司戶許堯佐撰吳郡陸蔚之書并篆額元和

八年端午建武宗時廢大中八年七月再立

復齋碑錄

唐東林寺臨壇大德塔頌

唐劉軻撰弟子雲臯正書元和八年十月建武宗時

廢大中八年七月重立

諸道石刻錄

唐崔融遊東林寺詩

正書無姓名元和十三年二月二十九日曾孫江州

刺史能重刻

復齋
碑錄

唐興果寺律大德奏公塔碣

唐白居易撰僧雲臯正書長慶二年閏十月一日建

武宗時廢宣宗大中八年七月十五日重立

復齋
碑錄

唐題東林寺影空碑陰

唐李渤撰僧雲臯正書長慶三年三月七日

復齋
碑錄

唐廬山峯頂寺臨壇大德法真碑

唐李宏慶撰僧雲臯正書長慶三年四月立

復齋
碑錄

唐東林寺律大德熙怡石墳哀誌銘

唐侯高撰僧雲臯正書長慶四年五月十三日立

復齋

碑錄

唐辯石鐘山記

唐李渤字濟之撰不著書人名氏彭蠡湖之口有石鐘鄺道元注水經以為水石相薄為鐘音因以得名渤遊山中見有卧石叩之其鳴如鐘土人曰此石鐘也故為此記以辨之渤時隱居白鹿洞稱白鹿先生

後官至桂管觀察使太和元年故吏吳文幹刻石在

湖口鎮

集古錄目

唐東林大師真堂記

唐倪匡明書并篆額大和三年

諸道石刻錄

唐栖霞寺大德毗律師碑

唐劉軻撰沙門雲臯正書齊餘篆額太和四年七月

十二日建武宗時廢宣宗大中八年七月二十三日

再立

復齋碑錄

唐水閣院律大德齊明和尚碑

唐鄭素卿撰僧道真行書太和六年三月六日建大

中八年再立

諸道石刻錄

唐東林寺德化王重置白氏文集記

僧匡白記余文真正書倪臣明篆額太和六年八月

十二日

諸道石刻錄

唐東林寺白氏文集記

唐白居易記僧雲臯正書太和九年八月

金石錄

唐寶稱大律師塔碑

唐秘書丞史館修撰劉軻撰江州司戶叅軍陳去疾書前振武節度叅謀李庭彥篆額律師江南講僧也名智滿陶靖節之九世孫始出家於寶稱寺故以為

號碑以開成四年立大中八年重建在廬山

集古錄目

碑以開成四年四月二十七日建武宗時廢大中八

年七月二十三日重立

復齋碑錄

唐曹汾去東林詩

會昌三年七月十三日刻在玳師碑陰

諸道石刻錄

唐東林寺觀音方丈記

江夏僧元楚記東夷溟島太玄谷冲寂野叟書大中

六年二月十三日

復齋碑錄

唐撫州景雲寺上宏和尚石塔碑

唐白居易撰李克恭正書段全緯篆額大中八年七

月十五日重立在東林寺

復齋碑錄

唐隴西子德題名

大中十年同遊刻石西林寺

諸道石刻錄

唐東林寺建碑記

唐張又新撰裴光遠篆額大中十年四月三十日

復齋

碑錄

唐復東林寺碑

唐湖南觀察使潭州刺史崔黯撰散騎常侍柳公權

書寺在江州先被廢至宣宗時復立碑以大中十一

年四月立在廬山東林寺

集古錄目

會昌中被廢大中初黠為江州刺史而復之

集古錄

唐韋宙施錢再造經藏堂宇題

大中十二年刻石在東林寺

諸道石刻錄

唐裴諷題名

刻在齊朗和尚碑陰大中十四年六月

諸道石刻錄

唐經藏院碑陰記

唐撫州刺史蔡京撰正書無名大中十四年五月

南唐重修東林寺記

韓王知證記孟拱辰分書并篆額昇元六年七月一

日
復齋
碑錄

南唐太乙真人廟記

韓王知證記孟拱辰行書并篆額昇元六年七月二

十九日建
復齋
碑錄

南唐彌勒菩薩上生殿記

楊弼撰僧慕莊書保大三年二月二十日杜昌業建

諸道石
刻錄

南唐太乙觀董真人殿碑

道士倪少通撰道士鍾德載正書并篆額保大十一

年十一月

復齋
碑錄

南唐東林寺上方禪師舍利塔記

彭瀆撰并分書額伊從道正書保大十四年歲次丙

辰十月庚申建王文秉刻

復齋
碑錄

南唐文宣王廟記

引書
佚

南唐張靈官記

徐鉉撰徐鉉書并篆額歲次癸酉上元立

諸道石刻錄

南唐義門陳氏書堂記

徐鉉撰徐鉉書并篆額

諸道石刻錄

池州

春秋屬吳戰國屬越後屬楚秦屬彭郡二漢屬丹陽郡晉屬宣城郡宋齊梁陳隋因之唐武德四年析宣州置池州貞觀元年州廢永泰元年復置後曰池陽郡皇朝因之今縣六貴池 貴陽 銅陵 建德 石埭 東流

唐張嶠府君墓誌

唐韓勵躬撰正書無名貞元十四年十一月十一日

立在建德縣

復齋碑錄

關

并書凡詩五首武陽郡公韋丹詩

缺

四年刻

集古錄目

唐崔澣撰

京兆金石錄

法王和尚塔碑

僧迴斌撰丘光道書

諸道石刻錄

寶刻叢編卷十五

欽定四庫全書

寶刻叢編卷十六

閏

宋 陳思 撰

寶刻叢編卷十六